

www.BanglaBook.org
বরফে পায়ের চিহ্ন



www.BanglaBook.org
মরিস লেব্‌লাঁ

বরফে পায়ের চিহ্ন

□ Footprints in the Snow □

মরিস লেব্‌লাঁ

প্রিন্স সের্গে ব্রেনিন-কে
(আসে'লে লুপিন-এর ছদ্মনাম)
বুলেভার্দ হোসম্যান,
প্যারিস



লা রৌচিয়েরে
“বাসিকোটের দমিকট”
“১৪, নভেম্বর।”

আমার প্রিয় বন্ধু,—

“আপনি নিশ্চয় আমাকে খুব অকৃতজ্ঞ ভাবছেন। তিন সপ্তাহ হয়ে গেল আমি এখানে এসেছি; আর আমার কাছ থেকে আপনি একটা চিঠিও পাননি। একটা ধন্যবাদের কথাও নয়। অথচ এখানে থাকতেই আমি নব্বুতে পেরেছিলাম কী ভয়ংকর মৃত্যুর হাত থেকে আপনি আমাকে বাঁচিয়েছেন এবং সেই ভয়ংকর ব্যাপারের গোপন কথাটাও জানতে পেরেছিলাম। কিন্তু, সত্যি সত্যি আমার কোন উপায় ছিল না। এত সব কান্ডের পরে আমি এতই ভেঙে পড়েছিলাম। বিশ্রাম ও নির্জনতার বড়ই দরকার ছিল আমার। আমার কি প্যারিসে থাকার কথা ছিল? আপনার সঙ্গে অভিযানে বের হবার কথা ছিল কি? না, না, না! অ্যাডভেঞ্চার অনেক হয়েছে। অন্য সবলেই খুব ভাল স্বীকার করি। কিন্তু কেউ যখন নিজেই শিকার হয়ে পড়ে এবং অচেতন জ্ঞান প্রাপ্তি বোঁচো যায়?... ওঃ, প্রিয় বন্ধু আমার, সে কী ভয়ংকর! কোন দিন কি সে কথা ভুলতে পারব?...”

“এখানে লা রৌচিয়েরেতে খুব সুখে আছি। আমার অবিবাহিতা জ্যাকি-দিদি বন্ধু এমেলিন আমাকে পক্ষ, মানুষের মত আদর-বহন ও সেবা করে। আমার গায়ের রং ফিরে আসছে, শারীরিক দিক থেকে খুব ভাল আছি...বস্তুত এতই ভাল আছি যে অন্যের ব্যাপারে নাক গলাবার কথা একেবারেই ভাবি না। আর কোন দিন না! দৃষ্টান্ত স্বরূপ, গতকাল একটা অশ্রুত বৈঠকে আমি হাজির ছিলাম। আন্তরন্যে আমাকে নিয়ে গিয়েছিল বাসিকোটের একটা সরাইখানায়, সেখানে চাষীদের সঙ্গে বসে চা খাচ্ছিলাম (সেটা হাটবার ছিল), এমন সময় আরও তিনজন (দু'টি পুরুষ ও একটি স্ত্রীলোক) এসে হাজির হওয়ায় আমাদের কথাবার্তার সাময়িক বিরতি ঘটল।

“পুরুষ দুটির মধ্যে একজন মোটাসোটা জোতদার, পরনে লম্বা কোর্তা, হাসিখুশি লাল মুখে সাদা গোফ। অপরজনের বয়স অল্প, কড়ুরয়ের পোশাক পরা, সরু দেহ, হলুদ মুখ। দুজনের কাঁধেই বন্দুক ঝুলছে। তাদের মাঝখানে একটি ছোটখাট, একহারা তরুণী, গায়ে বাদামী আলখাল্লা, মাথায় লোমের টুপি, সরু এবং অত্যন্ত স্নান মুখখানি বিস্ময়কর রকমের সুন্দর ও বৈশিষ্ট্যপূর্ণ।

“বাবা, ছেলে ও ছেলের বৌ,” দিদি ফিসফিস করে বলল।

“কি? এই সুন্দরী মেয়েটি ওই কাদা-মাখা চাষীটার বৌ?”

“আর ব্যারন দ গোর্গের পুত্র-বধু।”

“ওপাশের ওই বড়ো লোকটা কি একজন ব্যারণ?”

“হ্যাঁ, একটি খুব প্রাচীন, সম্ভ্রান্ত পরিবারের বংশধর; সেকালে ওরা একটা পল্লী-ভবনের মালিক ছিল। ও সব সময়ই চাষীর মত থাকে: মস্তবড় শিকারী, মস্তবড় মাতাল, মস্তবড় মামলাবাজ, কারও না কারও সঙ্গে মামলা লেগেই আছে, এখন সবই প্রায় নষ্ট হতে বসেছে। তার ছেলে ম্যাথিয়াস ছিল আরও উচ্চাভিলাষী, জমিজমার ধার ধারত না, ওকালতির জন্য পড়াশুনা করেছিল। তারপর আমেরিকা চলে গেল। তারপর টাকার অভাবে গায়ে ফিরে এল এবং এক সময় নিকটবর্তী শহরের একটি যুবতী মেয়ের প্রেমে পড়ল। কেউ জানে না কেন মেয়েটি তাকে বিয়ে করতে রাজী হল; আজ পাঁচ বছর ধরে মেয়েটি সন্ন্যাসিনী, বরং বলা যায় বান্ধিনী, জীবন যাপন করছে কাছেই একটা ছোট কাছারি-বাড়িতে—মনসর—অ—হুইৎস অর্থাৎ কুয়ো-বাড়িতে।”

“বাবা ও ছেলের সঙ্গে?” আমি প্রশ্ন করলাম।

“না, বাবা থাকে গত্রামের শেষ প্রান্তে একটা ছোট নিজ’ন গোলাবাড়িতে।”

“মাস্টার ম্যাথিয়াস কি ঈর্ষান্বিত?”

“একটা আস্ত বাব!”

“বিনা কারণে?”

“বিনা কারণে, কারণ নাতালি দ গোর্গের মত সহজ, সরল মেয়ে দ্বিতীয়টি খুঁজে পাবে না; আর একটা সুন্দর যুবক যদি গত কয়েকমাস ধরে গোলাবাড়ির চারদিকে ঘুর ঘুর করে বেড়ায় সেটা তোমার দোষে নয়। অবশ্য দ গোর্গেরা সেটা ঠেকাতেও পারে না।”

“কি, বাবাও পারে না।”

“অনেক দিন আগে পল্লী-ভবনটা যারা কিনেছিল সুন্দর যুবকটি হচ্ছে তাদের শেষ বংশধর। বড়ো গোর্গের ঘণার এটাই কারণ। জেরোম ভিগনোল—আমি তাকে চিনি, তাকে খুব ভালবাসি সুদর্শন যুবক, আর খুবই বিস্তবান; সে কথা দিয়েছে নাতালিয়া দ গোর্গকে নিয়ে পালিয়ে যাবে। বেশী মাল পেটে পড়লে এসব কথা ওই বড়োই বলে ফেলে। ওই তো, শোন।”

“বড়ো লোকটি একদল মানুষের সঙ্গে বসেছিল; তারা তাকে মদ খাইয়ে মজা দেখছে আর প্রশ্নের পর প্রশ্ন করছে। ইতিমধ্যেই তার একটু ‘নেশা’ ধরেছে; ফ্লোভের সুরে ও ঠাট্টার হাসি হেসে

সে বলছে :

“আমি তোমাদের বলে দিচ্ছি, ওই ভাড়টা বুখাই নিজের সময় নষ্ট করছে ! আমাদের পথের চারদিকে ঘুর ঘুর করা আর মেয়েদের সাথে চোখমারা তো ভদ্রলোকের কাজ নয়.....সব দিকেই আমাদের চোখ আছে ! আসুক না একবার কাছাকাছি, তখনই বলেট ছুটেবে।”

সে পুর-বুখুর হাতটা চেপে ধরল। মূর্চক হেসে বলল, “তখন বুঝবে এই ছোট মেয়েটাও জানে কেমন করে নিজেকে বাঁচাতে হয়। কি বল নাতালিয়া, তুমি তো চাও না যে লোকে তোমার জন্য ছোঁক-ছোঁক করে বেড়াক, চাও কি?”

তরুণী বধূটি এ সব কথা শুনে লজ্জা পেল, আর তার স্বামী গজের উঠল :

“তুমি চুপ কর তো বাবা। সব কথা প্রকাশ্যে বলা যায় না।”

বুড়ো পালাটা জবাব দিল, “যেখানে মান-সম্মানের কথা, সেখানে প্রকাশ্যে বোবা-পড়া হওয়াই ভাল। আমার কাছে দ গোশের পরিবারের সম্মানই সব কিছুর আগে ; আর ওই আগুনের ফুলকি, যতই পারসিসর ভাব দেখাক, ওকেও ছেড়ে.....”

বুড়ো থেমে গেল। সদ্য আগত একটি লোক তার সামনে এসে দাঁড়িয়েছে ; বুড়োর কথাটা শেষ হবার জন্যই সে অপেক্ষা করে ছিল। নবাগত মোকটি লম্বা, শক্ত-গড়নের মূক, পরনে অম্বারোহীর পোশাক, হাতে শিকারীর চাবুক। তার শক্ত ও জীবন্ত মূক মুখে জলজল করেছে একজোড়া সুন্দর চোখ, তাতে ফুটে উঠেছে বিজুপের হাসি।

“জেরোম ভিগনোল,” আমার দাঁদি চুপিচুপি বলল।

মূকটিকে কিন্তু মোটেই বিচলিত মনে হল না। নাতালিকে দেখে সে মাথাটা একটু নোয়াল ; আর ম্যাথিয়াস যখন এক পা এগিয়ে গেল তখন সে মাথা থেকে পা পর্যন্ত তাকে দেখল, যেন বলতে চাইল : “আচ্ছা এসব কি?”

কিন্তু তার হাব-ভাব এতই উদ্ভত ও ঘৃণ্য মনে হল যে দ গোশেরা দুজনই কাঁধ থেকে বন্দুক দুটো নামিয়ে দুই হাতে বাগিয়ে ধরল। ছেলের মুখের ভাব হিংস্র হয়ে উঠেছে।

জেরোম কিন্তু মোটেই ভয় পেল না। কয়েক সেকেন্ড পরে সরাইওয়ালার দিকে মুখ ফিরিয়ে বলল :

“ওহো, তাই তো বলি ! আমি এসেছিলাম বুড়ো ভাসিউরের কাছে। কিন্তু তার দোকান তো বন্ধ। আমার রিভলবারের এই খাপটা তাকে দিয়ে দিতে পারবে কি? দু-একটা সেলাই দিতে হবে।”

খাপটা সরাইওয়ালার হাতে দিয়ে হাসতে হাসতে বলল :

“রিভলবারটা আমি রেখে দিলাম, যদি দরকার হয়। কিছুই বলা যায় না তো।”

তারপর খুব শান্তভাবে রূপোর কৌটো থেকে একটা সিগারেট বের করল ; সেটা ধরাল, তারপর হেঁটে বেরিয়ে গেল। জানালা দিয়ে আমরা দেখতে পেলাম, এক লাফে ঘোড়ার পিঠে চড়ে সে দুলুকি

চালে ঘোড়া ছুটিয়ে দিল।

বুড়ো দ গোণে ভীষণভাবে খিস্তি করতে করতে ব্র্যাণ্ডের বোতলটাকেই উল্টে ফেলে দিল।

তার ছেলে বুড়োর মুখে হাতটা চেপে ধরে তাকে জোর করে বসিয়ে দিল। তাদের পাশে বসে নাতালিয়া দ গোণে তখন কেঁদেই চলেছে।...

“আমার গল্প এখানেই শেষ হল বন্ধু। বুঝতে পারছেন, এটা ভীষণ আকর্ষণীয় কিছুর নয়, আর আপনার মনোযোগকে টানবার যোগ্যও নয়। এর মধ্যে কোন রহস্য নেই, আর আপনার কোন ভূমিকাও নেই। আসলে, আমি বিশেষভাবে জোর দিয়ে বলতে চাই যে, অসময়ে হস্তক্ষেপের একটা ওজুহাত খোঁজার চেষ্টা করবেন না। অবশ্য বেচারি মেয়েটিকে সুরক্ষিত দেখলে আমি খুশিই হব : তাকে দেখে পুরোপুরি একটি শহিদ বলেই মনে হল। কিন্তু, আগেই বলেছি, যাদের বিপদ তারা নিজেরাই সেটা কাটিয়ে উঠুক, আমরা যেন কোন ছোটখাট পরীক্ষা চালাতে এগিয়ে না যাই...”

* * *

রেনিন চিঠিটা পড়ল, আবার পড়ল, তারপর বলল :

“ঠিক আছে। সবই ঠিক আছে। আমাদের ছোটখাট পরীক্ষাগুলি চালাতে তিনি আর চান না, কারণ এটা হবে সপ্তম, আর অষ্টমটিকে তিনি ভয় পাচ্ছেন যেহেতু আমাদের চুক্তির শর্ত অনুযায়ী সেটা বিশেষ তাৎপর্যপূর্ণ। তিনি চান না... যদিও তাকে দেখে তা মনে হয় না।”

সে হাত দুটি ঘসল। ধীরে ধীরে, শান্তভাবে, ধৈর্যের সঙ্গে সে যে হাতে স্নেহ দানিয়েলের উপর নিজের প্রভাবটা বাড়াতে পেরেছে এই চিঠিটাই তার অমূল্য সাক্ষী। চিঠিতে একটা জটিল মানসিকতা ধরা পড়ছে : প্রশংসা, অসীম বিশ্বাস, মাঝে মাঝে অস্বস্তি, ভয় ও হ্রাস—সব কিছুর একটা মিশ্র অনুভূতি ; এমন কি ভালবাসাও—সে বিষয়ে সে নিশ্চিত। তিনি ছিলেন তার অভিযানের সঙ্গিনী, কাজটাকে তিনি সহজভাবেই নিয়েছিলেন, হঠাৎই ভয় পেয়ে গেলেন। সৌজন্য ও অনুরাগ দুইয়ে মিলে তাকে পিছনে টানছে।

সেই রবিবার সন্ধ্যায়ই রেনিন ট্রেনে চাপল।

আর ছোট শহর পম্পিগনোত-এ ট্রেন থেকে নেমে বরফ-ঢাকা পাঁচ মাইল পথ অনেক পরিশ্রম করে পার হয়ে ভোরবেলা বাসিকোর্ট গ্রামে পৌঁছে সে বুঝতে পারল, তার পথের কণ্টটা বৃথা হয় নি : সারা রাতে মনয়র-অ-পুইৎস-এর দিক থেকে তিনটে গুলির আওয়াজ শোনা গেছে।

রেনিন যে সরাইখানায় উঠেছে তার বৈঠকখানায় বসে সুশস্ত পদূলি যখন জনৈক চাষীকে জেরা করছিল তখন সে বলে, “তিনটে গুলি সার্জেন্ট। আমি স্পষ্ট শুনছি, ঠিক যেমন আপনাকে আমার সম্মুখে দেখতে পাচ্ছি।”

পরিচারকও বলে, “আমিও শুনছি। তিনটে গুলি। তখন রাত বারোটা হবে। ন’টা থেকে রহস্য—৩২

বরফ পড়ায় পড়ে সেটা খেমেছিল। গুলির শব্দ মাঠের উপর দিয়ে ভেসে আসছিল একটার পর একটা :
ব্যাং, ব্যাং, ব্যাং।”

আরও পাঁচটি চাবী সাক্ষী দিল। সার্জেন্ট ও তার লোকজনরা কিছুই শোনে নি। গোলাবারুড়ির একটি মজুর ও একটি স্ত্রীলোক এসে জানাল, তারা ম্যাথিয়াস দ গোর্গের কাছে কাজ করে। মাঝখানে রবিবার পড়ায় দুদিন সেখানে ছিল না, তারা গোলাবারুড়ি থেকে সোজা এসেছে, সেখানে ঢুকতেই পারে নি।

পুরুষটি বলল, “উঠানের ফটক তালাবদ্ধ আছে সার্জেন্ট। এই প্রথম এ রকমটা দেখলাম। কি শীত কি গরম, প্রতিদিন সকাল ছটায় এম. ম্যাথিয়াস নিজে এসে ফটক খোলেন। এখন তো আটটা বেজে গেছে। আমি চৌঁচিয়ে ডাকলাম। কেউ সাড়া দিল না। তাই আমরা এখানে এসেছি।”

সার্জেন্ট বলল, “তোমরা বুড়ো এম. দ গোর্গের কাছে খোজ করতে পারতে। তিনি তো বড় রাস্তায় থাকেন।”

“তা অবশ্য পারতাম। কথাটা আমার মাথায়ই আসে নি।”

সার্জেন্ট বলল, “এখন আমরা বরং সেখানেই যাই।” দুজন সিঁপাইও তার সঙ্গে গেল; আর গেল চাবী কজন ও একজন তালার মিস্ত্রি; তাকে ডেকে আনা হয়েছে। রেনিনও সেই দলে যোগ দিল।

শীঘ্রই তারা গরমের শেষ প্রান্তে বুড়ো দ গোর্গের গোলাবারুড়িতে পৌঁছে গেল। ইভেনিং-র বিবরণ অনুযায়ী রেনিনও বাড়িটা চিনতে পারল।

বুড়ো মানুষটি তার গাড়িতে ঘোড়াটা য়ত্নছিল। সব ঘটনা শুন্যে সে হো-হো করে হেসে উঠল :

“তিনটে গুলি? ব্যাং, ব্যাং, ব্যাং? সে কি সার্জেন্ট মশায়, ম্যাথিয়াসের কদকের নল তো মাত্র দুটো!”

“ফটক তালাবদ্ধ কেন?”

“তার মানে ছোকরা ঘুমিয়ে আছে, বাস। কাল রাত্রে সে এসে আমার সঙ্গে একটা বোতল সের্টেছে—হয় তো দুটো—এমন কি তিনটেও; তার ঘোড়াটা ঘুমিয়ে কাটাচ্ছে হয়তো—সে আর নাড়ালি।” সে গাড়ির বাস্কে উঠে শপাং করে চাবুক ঝোরাল :

“চললাম গো ভদ্রজনরা। আপনাদের তিন গুলির জন্য আমার পাম্পিংনোও বাজারে যাওয়া তো বন্ধ করতে পারি না, প্রতি সোমবারই যে যাই। সকলকেই শূণ্যদিন জানাই!

অন্য সকলেই পা বাড়াল। রেনিন সার্জেন্টের দিকে এগিয়ে গিয়ে নিজের নাম বলল :

“লা রৌচিয়েরের মাদাময়জেল এমের্লিনের বন্ধু আমি; এত সকালে তার সঙ্গে দেখা করতে যাওয়াটা ঠিক হবে না, তাই আপনার সঙ্গে গোলাবারুড়ি হয়ে আসার অনুরোধ যদি দেন তো খুশি

হব। মাদাময়েজেল এমেলিন মাদাম দ গোর্গেকে চেনেন; তার মনের অস্বস্তিটা দূর করতে পারলে আমি খুশিই হব; আশা করি, গোলাবাড়িতে অবতন কিছু ঘটে নি?”

সার্জেন্ট জবাব দিল, “যদি ঘটেও থাকে, আমরা ছবির মতই সব কিছু জানতে পারব, আর সেটা সম্ভব হবে বরফের জন্যই।”

যুবকটি বেশ পছন্দসই, চটপটে, বুদ্ধিমান। আগের সন্ধ্যায় ম্যাথিয়াস যে পায়ের ছাপ রেখে গেছে শূরু থেকেই সার্জেন্ট তার উপর কড়া নজর রেখেছে; অবশ্য কিছুক্ষণের মধ্যেই মজুর ও শ্রীলোকটির যাতায়াতের ফলে তাদের পায়ের ছাপ পড়ে গত রাতের ছাপগুলি কিছুটা চাপা পড়েও গেছে। ততক্ষণে সকলে বাড়ির প্রাচীরের কাছে পৌঁছে গেলে তালা-মিন্দি সহজেই ফটকটাকে খুলে ফেলল।

সেখান থেকে চিহ্নহীন বরফের উপর কেবলমাত্র ম্যাথিয়াসের পায়ের দাগই চোখে পড়ল; সহজেই বোঝা গেল বাবার মৃত্যুমুহুর অনেকটা অংশই ছেলের ভোগে লেগেছে, কারণ পদ-চিহ্নের রেখাটি একে বেকৈ পথের গাছের সারির দিকে চলে গেছে।

আরও দূর গজ দূরে মনসুর —অ—পুইৎস—এর ভগপ্রায় দোতলা বাড়িটা দাঁড়িয়ে আছে। বড় ফটকটা খোলাই ছিল।

“ভিতরে ঢোকা যাক”, সার্জেন্ট বলল।

আর চৌকাঠটা পেরিয়েই সে বলে উঠল, “ও হো! বুড়ো দ গোর্গে’ না এসে ভুল করেছেন। এখানে তো একটা যুদ্ধ হয়ে গেছে।”

বড় ঘরটা এলোমেলো হয়ে আছে। দুটো চেয়ার ভেঙেছে, টেবিলটা ওটানো, ভাঙা গ্লাস ও চিনে মাটির বাসনগুলো দেখেই সংঘর্ষের তীব্রতাটা বোঝা যাচ্ছে। বড় ঘড়িটা মেঝেতে পড়ে আছে; এগারোটা বিশ মিনিটের সময় সেটা বন্ধ হয়ে গেছে।

গোলাবাড়ির মেয়েটি পথ দেখিয়ে দিলে তারা ছুটে দোতলায় উঠে গেল। ম্যাথিয়াস বা তার শ্রী কেউ সেখানে নেই। কিন্তু শোবার ঘরের দরজাটাকে হাতুড়ি মেরে ভাঙা হয়েছে; হাতুড়িটাকে বিছানার নিচে পাওয়া গেল।

রেনিন ও সার্জেন্ট আবার নিচে ফিরে গেল। বসবার ঘর থেকে একটা পথ রান্না-ঘর পর্যন্ত গেছে; রান্না-ঘরটা বাড়ির পিছন দিকে; তার দরজাটা একটা ছোট উঠানের দিকে খোলে; উঠানটা আবার বেড়া দিয়ে বাগান থেকে আলাদা করা। সেই ঘেরা জায়গাটার শেষে একটা কুয়ো; কাউকে সেদিকে যেতে হলে কুয়োটোর পাশ দিয়ে যেতেই হবে।

এখন, রান্না-ঘরের দরজা থেকে কুয়ো পর্যন্ত বাবার পথে পাতলা বরফ এদিক-ওদিক বেশ কিছুটা চাপা পড়েছে বলে মনে হয়, যেন কাউকে সেখান দিয়ে টেনে নিয়ে যাওয়া হয়েছে। কুয়োর চার ধারে অনেক বিক্ষিপ্ত পায়ের ছাপ ইতস্তত পড়ে আছে; দেখে মনে হয়, এখানে এসে নতুন করে ধনস্তাধনস্ত শূরু হয়েছিল। সার্জেন্ট ম্যাথিয়াসের পায়ের ছাপও আবিষ্কার করল; অন্য সব ছাপের চাইতে

সেগদুলি আকারে ভাল আর হালকাও। শেষের পায়ের চিহ্নগুলি সোজা বাগানের দিকে চলে গেছে। সেখান থেকে বিশ গজ দূরে পায়ের ছাপগুলির কাছেই জনৈক চাষী একটা রিভলবার তুলে নিয়েই চিনতে পারল যে দুদিন আগে জেরোম ভিগনোল সরাইখানায় যে রিভলবারটা দেখিয়েছিল এটাও দেখতে ঠিক সেই রকম।

সার্জেন্ট নলটা ভাল করে দেখল। সাতটা বুলেটের তিনটে খরচ করা হয়েছে।

দুঘটনার একটা রেখাচিত্র ধীরে ধীরে ফুটে উঠছে। সার্জেন্ট হুকুম দিল, সকলেই যেন পায়ের ছাপ থেকে দূরে থাকে; তারপর কুয়োঁর কাছে গিয়ে বাড়ির মেয়েটিকে কয়েকটা প্রশ্ন করে আবার রেনিনের কাছে ফিরে এসে ফিসফিস করে বলল:

“সব কিছুই পরিষ্কার হয়ে গেছে।”

রেনিন তার হাত ধরে বলল, “কথাটা খোলাখুলিই বলা হোক সার্জেন্ট। এ ব্যাপারটা আমি ভালই বুঝি; আপনাকে তো আগেই বলেছি, মাদাময়জেল এমেলিনকে আমি চিনি, তিনি জেরোম ভিগনোলের বন্ধু। মাদাম দ গোর্ণেরকেও আমি চিনি। আপনি কি মনে করেন……?”

“কিছুই মনে করতে চাই না। কেবল বলতে চাই, কাল রাতে কেউ ওখানে এসেছিল……”

“কোন পথে? ওদিকে আসার পথে তো একমাত্র এম. দ গোর্ণের পায়ের ছাপই পাওয়া গেছে।”

“তার কারণ অপর লোকটি এসেছিল বরফপড়ার আগে, তার মানে, ন’টার আগে।”

“তাহলে সে নিশ্চয় বসবার ঘরের এক কোণে লুকিয়েছিল এম. দ গোর্ণের ফেরার অপেক্ষায়; তিনি এসেছিলেন বরফপাতের পরে।”

“ঠিক তাই। ম্যাথিয়াস ঘরে ঢোকা মাত্রই লোকটি তাকে আক্রমণ করেছিল। ফলে সংঘর্ষ। ম্যাথিয়াস রান্নাঘরের ভিতর দিয়ে পালায়ে যায়, লোকটি তাকে তাড়া করে কুয়োঁটা পর্যন্ত যায় এবং রিভলবার থেকে তিনবার গুলি ছোঁড়ে।”

“আর মৃতদেহটা কোথায় গেল?”

“কুয়োঁর তলায়।”

রেনিন বাধা দিল।

“আঃ! আপনি দেখছি সব কিছুই ধরে নিচ্ছেন?”

“কেন মশায়, এ গল্পটা বলার জন্য তো কয়েকটি হাজির আছে। বরফ তো পরিষ্কার বলে দিচ্ছে, ধনস্ত্রাধনস্তর পরে, তিনটে গুলি ছোঁড়ার পরে, একটিমাত্র লোক হাটতে হাটতে বেরিয়ে গেল, একটিমাত্র লোকই গোলাবারিড থেকেও চলে গেল, আর তার পায়ের ছাপ ম্যাথিয়াস দ গোর্ণের পায়ের ছাপ নয়। এর মধ্যে ম্যাথিয়াস দ গোর্ণ আসছে কোথায়?”

কিন্তু কুয়োঁটা……?”

“না, কুয়োঁটা আসলে তলহীন। জেলার সকলেই তা জানে, আর ওটা থেকেই বাড়িটার নাম

“নিয়েরে কুয়ো-বাড়ি।”

“তাহলে আপনি সত্যি কিংবাস করেন...?”

“যা বলছি সেটাই আবার বলছি। বরফ পড়ার আগে মাত্র একজন এল, তিনি ম্যাথিয়াস, আর মাত্র একজন ফিরে গেল, তিনি অপরিচিত।”

“আর মাদাম দ গোর্ণে? তাকেও কি তার স্বামীর মতই খুন করে কুয়োয় মধ্যে ফেলে দিয়েছিল?”

“না, তাকে বয়ে নিয়ে গেছে।”

“নিয়ে গেছে?”

“মনে রাখবেন, তার শোবার ঘরের দরজা হাতুড়ি মেরে ভাঙা হয়েছে।”

“দাঁড়ান, দাঁড়ান সার্জেন্ট! আপনি নিজেই বললেন, মাত্র একজনই ফিরে গেছে—সে অপরিচিত।”

“কুঁকে নীচে তাকান। লোকটির পায়ের ছাপ লক্ষ্য করুন। দেখুন, পায়ের ছাপগুলি বরফের মধ্যে কেমন বসে গেছে, প্রায় মাটি পর্যন্ত ছুঁয়েছে। এ রকম পায়ের ছাপ একমাত্র তারই হতে পারে যে একটা ভারী বোকা নিয়ে হাটে। অপরিচিত লোকটি মাদাম দ গোর্ণেকে কাঁধে করে বয়ে নিয়ে গিয়েছে।”

“তাহলে সেদিক দিয়ে বাইরে যাবার একটা পথ আছে?”

“হ্যাঁ, একটা ছোট দরজা আছে যার চাবি সব সময় ম্যাথিয়াস দ গোর্ণের কাছেই থাকে। এই লোকটি তার কাছ থেকেই চাবিটা নিয়েছে।”

“পথটা কি খোলা মাঠে গিয়ে পড়েছে?”

“এখান থেকে পৌঁনে এক মাইল দূরে পথটা বিভাগীয় বড় রাস্তায় পড়েছে।... কোথায় পড়েছে জানেন কি?”

“কোথায়?”

“পল্লী-ভবনটার একটা কোণে।”

“জেরোম ভিগনোলের পল্লী-ভবন?”

“হ্যাঁ ঈশ্বর, ব্যাপারটা যে বেশ ঘোরালো হয়ে উঠছে। পায়ের চিহ্নগুলি যদি পল্লী-ভবন পর্যন্ত গিয়েই থেমে যায়, তাহলে তো সবটাই বোকা হবে।”

পায়ের চিহ্ন ধরে ঢেউ-খেলানো মাঠের ভিতর দিয়ে চলতে চলতেই তারা বৃষ্টিতে পারল সেগুণ্ডো পল্লী-ভবন পর্যন্তই গেছে; মাঠের মধ্যে অনেক জায়গায়ই স্তূপ-স্তূপ বরফ জমে আছে। বড় ফটক-গুলিতে যাবার পথ ধুয়ে-মুছে গেছে, কিন্তু তারা দেখতে পেল একটা গাড়ির দুই চাকার দাগ উল্টো দিকে ঘুরে থামের দিকে চলে গেছে।

সার্জেন্ট ঘণ্টাটা বাজাল। যে দারোয়ান ভিতরটা ঝাট দিচ্ছিল সেই একটা ঝাড়ু হাতে নিয়ে

ফটকে এসে দাঁড়াল। প্রশ্নের জবাবে লোকটি জানাল, অন্য কেউ ঘুম থেকে ওঠার আগেই ম'সিও ভিগনোল খুব ভোরে কোথায় চলে গেছে, গাড়িতে বোড়াও সে নিজেই জুতেছে।

ফটক থেকে সরে এসে রেন্নিন বলল, "সে ক্ষেত্রে আমাদের একমাত্র কাজ হবে ওই দুই চাকার দাগের পিছনে ছোটা।"

সার্জেন্ট বলল, "তাতে কোন কাজ হবে না। তারা নিশ্চয় রেলগাড়ি ধরেছে।"

"সম্পিগনোত স্টেশনে? যেখান থেকে আমি এসেছি? কিন্তু তাদের তো গ্যামের ভিতর দিয়েই যেতে হবে।"

"তারা গেছে অন্য পথে, কারণ সে পথটা গেছে শহরে, আর এক্সপ্রেস ট্রেনগুলি সেখানে থামে। ওই শহরে প্রোকিউরেটর-জেনারেলের কার্যালয় আছে। আমি টেলিফোন করছি; এগারোটার আগে কোন ট্রেন নেই, অতএব তাদের একমাত্র কাজ হবে স্টেশনে একজন নজরদারকে রেখে দেওয়া।"

"আমার মনে হয় আপনি ঠিক কাগজটাই করছেন সার্জেন্ট, রেন্নিন বলল, "আর যে পথে আপনি চলেছেন সে জন্য আপনাকে অভিনন্দন জানাচ্ছি।"

তারা আলাদা পথে চলে গেল। রেন্নিন গ্যামের সরাইখানায় ফিরে গিয়ে লোক মারফৎ হতের্নেসে দানিয়েলকে একটা চিরকুট পাঠিয়ে দিল।

"আমার অতি প্রিয় বন্ধু,

"মনে হচ্ছে আপনার চিঠি থেকে আমি এটুকু বুঝতে পেরেছি যে হৃদয়ঘাতিত যে কোন ব্যাপারেই আপনি ঘেরাপ স্পর্শকাতর তাতে জেরোম ও নাতালির প্রেমবর্জিত ব্যাপারটাকে নির্বিঘ্ন রাখতে আপনি খুবই উৎকর্ষিত হয়ে পড়েছেন। এদিকে এ কথা মনে করবার যথেষ্ট কারণ আছে যে এই দুটি প্রাণী তাদের সুন্দরী রক্ষাকর্তার সঙ্গে কোনরকম পরামর্শ না করেই ম্যাথিয়াস দ গোর্গেকে কুয়ের মধ্যে ফেলে পালিয়ে গেছে।

"আপনার সঙ্গে দেখা করতে না যাওয়ার জন্য ক্ষমা করবেন। সমস্ত ব্যাপারটাই আবছা ও অস্পষ্ট; আর আমি যদি আপনার কাছে যেতাম তাহলে এই ব্যাপারটা নিয়ে ভাবনা-চিন্তা করার জন্য যে মানসিক বিচ্ছিন্নতার দরকার সেটাই পেতাম না।"

তখন সাড়ে দশটা বাজে। রেন্নিন গ্রামের দিকে বেড়াতে গেল; হাত দুটো পিছনে মর্দাটবন্ধ করেই রাখল। সাদা প্রান্তরের সুন্দর দৃশ্যের দিকে একবার ফিরেও তাকাল না। দুপুরে লাগু খেতে এল; তখনও গভীর চিন্তায় মগ্ন; সরাইখানার খবরসের কথাবার্তাও কান দিল না, যদিও চারদিকে সাম্প্রতিক ঘটনা নিয়েই আলোচনা চলছিল।

নিজের ঘরে গিয়ে ঘুমিয়ে পড়ল; কিছুক্ষণ ঘুমবার পরে দরজায় ঢোকান শব্দে ঘুম ভেঙে

গেল। উঠে দরজাটা খুলে দিল।

“আপনি? সত্যি আপনি?” সে ফিস্‌ফিসিয়ে বলল।

হতে'সে ও সে পরস্পরের হাত চেপে ধরে কয়েক সেকেন্ড নীরবে পরস্পরের দিকে তাকিয়ে রইল। মনে হল, কোন কিছুই, কোন অবাস্তব চিন্তা এবং কথাকেই তাদের এই মিলনের আনন্দকে নষ্ট করতে তারা দেবে না। তারপর রেনিন শূন্যাল:

“আমি এসে ঠিক করেছি তো?”

হতে'সে শান্ত গলায় জবাব দিল, “হ্যাঁ, আমি আপনাকেই আশা করছিলাম।”

“এত দৌঁড় না করে আপনি যদি আরও আগেই আমাকে ডেকে পাঠাতেন তাহলেই হয়তো ভাল হত। দেখতেই পাচ্ছেন, ঘটনার স্রোত কারও জন্যে অপেক্ষা করে না। এখন আমি ঠিক জানি না জেরোম ভিগনোল ও নাতালি দ গোগের কপালে কি ঘটেছে।”

“সে কি, আপনি শোনেন নি?” হতে'সে তাড়াতাড়ি বলে উঠল। “তারা গেণ্ডার হয়েছে। তারা এক্সপ্রেসেই চলে যাচ্ছে।”

রেনিন আপত্তির সুরে বলল, “গেণ্ডার হয়েছে? না, মানুষকে তো এভাবে গেণ্ডার করা যায় না। তাদের তো প্রিজ্ঞাসাবাদও করা হয় নি।”

“সেটাই এখন হচ্ছে। কতৃ'পক্ষরা এখন তত্ত্বাবধী চালাচ্ছেন।”

“কোথায়?”

“পল্লী-ভবনে। আর যেহেতু তারা নির্দোষ—কারণ তারা নির্দোষই, তাই নয় কি? আমার মতই আপনিও তো তাদের দোষী মনে করেন না?”

রেনিন উত্তর দিল:

“আমি কিছুই মনে করি না, মনে করতে পারি না বকু। তথাপি আমি বলতে বাধ্য যে সব কিছুই তো তাদের বিরুদ্ধে—মাত্র একটা ঘটনা ছাড়া, আর সেটা হচ্ছে—সব কিছুই তাদের বড় বেশী বিরুদ্ধে। একের পর এক প্রমাণের স্তূপ গড়ে উঠবে সেটা যেমন স্বাভাবিক নয়, তেমনি যে শোকটা খুন করেছে সে এত খোলাখুলিভাবে নিঞ্জের গল্পটা বলে দেবে সেটাও স্বাভাবিক নয়। এ ছাড়া তো আর সব কিছুই রহস্য আর বৈপরীত্য মাত্র।”

“তারপর?”

“তারপর, আমার সব কিছু গুলিয়ে যাচ্ছে।”

“কিন্তু আপনার তো একটা পরিকল্পনা আছে, একটা ছক আছে?”

“এখনও পর্যন্ত ছক-টক কিছু নেই। আঃ, আমি যদি একবার জেরোম ভিগনোল ও নাতালি দ গোগের সঙ্গে দেখা করতে পারতাম, নিঞ্জের সমর্থনে তারা কি বলছে সেটা যদি শুনতে ও জানতে পারতাম! কিন্তু আপনি তো বোঝেন, তাদের কোন প্রশ্ন করার অথবা তাদের জেরার সময় উপস্থিত থাকার অনুমতি আমাকে দেওয়া হবে না। তাছাড়া, সেটা হয়তো এতক্ষণে শেষ হয়েছেও গেল।”

হাতে'সে বলল, "পল্লী-ভবনে শেষ হয়ে গেছে, কিন্তু জমিদার-বাড়িতেও জেরার কাজ চলবে।"

রেনিন সাগছে শুধাল, "তাদের কি জমিদার-বাড়িতে নিয়ে যাওয়া হবে?"

"হ্যাঁ, ... অস্তুত প্রোকিউরেটরের দুখানা গাড়ির একটার চালককে বা বলা হল তা থেকে তো সেই রকমই মনে হয়।"

"ওঃ, তাহলে তো," রেনিন চাঁৎকার করে উঠল, "কাম ফতে! জমিদার-বাড়ি! আরে, আমরা তো একেবারে সামনের সারিতে বসব! সব কিছু দেখতে পাব, শুনতে পাব; আর—একটা কথা, একটা স্বর, চোখের পাতার একটা কাঁপন থেকেই পেয়ে যাব আমার দরকারী ছোট্ট সূত্রটি; বাস, এখনও কিছু আশা আমরা পোষণ করতে পারি। চলে আসুন।"

সে হতে'সেকে নিয়ে সোজা পথে সকালে তালার্মিন্ট যে ফটকটা খুলে দিয়েছিল সেটা দিয়েই বাড়িতে ঢুকল। কত'ব্যরত সশস্ত্র পুলিশরা পায়ের ছাপের পাশাপাশি বরফের উপর দিয়ে একটা রাস্তা বানিয়ে দিয়েছে। রেনিন ও হতে'সে সকলের অলক্ষ্যে একটা পাশের জানালা দিয়ে পিছনের সিঁড়ির কাছে বারান্দায় ঢুকে পড়ল। কয়েক ধাপ উঠেই একটা ছোট ঘর, তাতে আলো ঢোকার একমাত্র পথ একতলার বড় ঘরের সঙ্গে যুক্ত একটা গোলাকার ছোট জানালা; ভিতর থেকে একটুকরো কাপড় দিয়ে ঢাকা। রেনিন কাপড়টা সরিয়ে দিয়ে জানালার একটা অংশ কেটে ফেলল।

কয়েক মিনিট পরেই নীচ থেকে নানা রকম কোলাহল ভেসে এল। অনেক লোক বাড়িতে জড় হয়েছে। তাদের কিছু লোক দোতলার উঠে গেল, আর একটি যুবককে সঙ্গে নিয়ে ঘরে ঢুকল সার্জেট। তার দীর্ঘ দেহ দেখেই রেনিন ও হতে'সে চিনতে পারল।

জেরোম ভিগনোল", হতে'সে বলল।

"হ্যাঁ," রেনিন বলল। "উপরতলার শোবার ঘরেই মাদাম দ গোর্ণেকে প্রথম জেরা করা হচ্ছে।"

পনেরো মিনিট কেটে গেল। দোতলার লোকজন নেমে এসে ঘরে ঢুকল। তারা সব প্রোকিউরেটরের সহকারী, তার করণিক, তার কর্মচারী ও দুজন গোয়েন্দা।

মাদাম দ গোর্ণেকে শপথ-বাক্য পাঠ করানো হল; সহকারী জেরোম ভিগনোলকে এগিয়ে আসতে বলল।

হতে'সে তার চিঠিতে যেমন বর্ণনা দিয়েছিল, জেরোম ভিগনোলের মুখে সত্যি একটি শক্তিশালী পুরুষের আভাষ। কোন রকম অস্বস্তির ভাব নেই, আছে সংকল্প ও কঠোর ইচ্ছাশক্তির প্রকাশ। নাতালি ছোটখাট ও ক্ষীণতনু, চোখ দুটি অস্থির, তবে শান্ত আত্মবিশ্বাসে ভরা।

এলোমেলো ছড়ানো আসবাবপত্র ও সংঘর্ষের চিহ্নগুলি দেখে ডেপুটি নাতালিকে বসতে বলল আর জেরোমকে বলল:

"মিসিয়ে, এতক্ষণ পর্যন্ত আপনাকে বেশী প্রশ্ন করি নি। এটা একটা সংক্ষিপ্ত তদন্তমাত্র, বিচারকারী-ম্যাজিস্ট্রেট পরে এ কাজের ভার নেবেন। আপনার বিরুদ্ধে যে সব গুরুতর অভিযোগ

আনা হয়েছে সেগুলো খুঁড়ন করার সুযোগ আপনাকে দেওয়া হচ্ছে সুতরাং প্রকৃত সত্তাটা খুলে বসুন।”

জেরোম উত্তর দিল, “মিঃ ডেপুটি, আলোচ্য অভিযোগগুলো নিয়ে আমার কোন মাথা ব্যথা নেই। ঘটনাচক্রে যে মিথ্যার স্তূপ আমার বিরুদ্ধে কমে উঠেছে আপনার প্রার্থিত সত্যই তাকে মিথ্যা প্রমাণিত করবে। সে সত্য এই।”

সে এক মুহূর্ত কি খেন ভাবল, তারপর পরিষ্কার সহজ গলায় বলতে লাগল :

“আমি মাদাম দ গোর্গেকে ভালবাসি। প্রথম সাক্ষাতেই তার প্রতি প্রবল সহানুভূতি ও শ্রদ্ধা অনুভব করেছিলাম। কিন্তু আমার অনুরাগ সর্বদা তার সুখের চিন্তার দ্বারাই পরিচালিত হয়েছে। আমি তাকে ভালবাসি, সম্মান করি তার চাইতে বেশী। মাদাম দ গোর্গে আপনাকে অবশ্যই বলেছেন, আমিও আবার বলাছি, গত রাতেই প্রথম আমাদের দু’জনের মধ্যে সামান্য বাক্য-বিনিময় হয়েছে।”

গলাটা আরও নামিয়ে সে বলতে লাগল :

“তাকে আরও বেশী শ্রদ্ধা করি কারণ সে বড় দুঃখী। সারা বিশ্ব জানে, জীবনের প্রতিটি মুহূর্তেই সে এক অকারণ যন্ত্রণার শিকার। তার স্বামী তাকে নির্মাতন করেছে হিংস্র বিবেক ও উন্মাদ ঈর্ষায়। ভৃত্যদের জিজ্ঞাসা করেন। তারাই আপনাকে বলবে নাতালি দ গোর্গের দীর্ঘ যন্ত্রণার কথা, যে সব আঘাত সে পেয়েছে আর যে সব অপমান তাকে সহ্য করতে হয়েছে তার কথা। সে নির্মাতনকে আমি বন্ধ করতে চেয়েছিলাম আবেদন-নিবেদনের পথে—সে আবেদনের অধিকার একজন অপরিচিত মানুষও দাবী করতে পারে যখন দুঃখ ও অন্যায় সীমা ছাড়িয়ে যায়। তিনবার আমি বড় দ গোর্গের কাছে গিয়েছি, এ ব্যাপারে তাকে হস্তক্ষেপ করতে প্রার্থনা জানিয়েছি। কিন্তু তার মশোও আমি দেখেছি পত্র-বন্ধুর প্রতি সেই একই বিচ্ছিন্ন যা অনেকেই পোষণ করে থাকে সুন্দর ও মহৎ কিছুর প্রতি। শেষ পর্যন্ত স্থির করলাম, প্রত্যক্ষ সংঘর্ষের পথেই নামব, আর কাল রাতেই ম্যাথিয়াস দ গোর্গের সম্পর্কে এমন একটা ব্যবস্থা নিলাম যেটা, আমি স্বীকার করছি, কিছুটা অস্বাভাবিক, কিন্তু লোকটির চরিত্রের কথা ভেবেই আমার মনে হয়েছিল যে ব্যবস্থাটা কার্যকরী হবে। মিঃ ডেপুটি, আমি শপথ করে বলাছি, ম্যাথিয়াস দ গোর্গের সঙ্গে কথা বলা ছাড়া অন্য কোন উদ্দেশ্য আমার ছিল না। তার জীবনের এমন কিছু তথ্য আমি জানতে পারলাম যার সাহায্যে তার উপর চাপ সৃষ্টি করা সহজ হবে বুঝেই আমার উদ্দেশ্য সাধনের জন্য সেই সুবিধাটাকেও আমি কাজে লাগাতে চাইলাম। ঘটনা-চক্র যদি অন্যদিকে ঘুরে গিয়ে থাকে, তার সব দোষটাই কিন্তু আমার নয়।—যাই হোক, নটার কিছু আগেই আমি সেখানে গেলাম। জানতাম, তখন ঢাক-বাকর কেউ বাড়িতে ছিল না। সে নিজেই দরজা খুলল। সে তখন একা।”

তাকে বাধা দিয়ে ডেপুটি বলল, “মিসিরে, আপনি এমন কিছু বলছেন—মাদাম দ গোর্গেও এইমাত্র বললেন—যা স্পষ্টই সত্যের বিপরীত। ম্যাথিয়াস দ গোর্গে গতকাল রাত এগারোটোর আগে বাড়িতেই ফেরেন নি। তার দৃষ্টো নির্দিষ্ট প্রমাণ আমাদের হাতে আছে : এক, তার বাবার সাক্ষ্য

এবং দুই বরফের উপর তার পায়ের ছাপ পাড়িছিল সোয়া ন'টা থেকে এগারোটায় মধ্যে।”

তার কথায় জুস্কেপ না করে জেরোম ভিগনোল বলতে লাগল, “মিঃ ডেপুটি, আমি বলছি আসলে যা ঘটেছিল তার কি ব্যাখ্যা হতে পারে সেটা নয়। কিন্তু যা বর্ণাঙ্কিত, আমি যখন এই বরফ ঢুকলাম তখন ওই ঘড়িটাতে ন'টা বাজতে দশ মিনিট বাকি। তাকে কেউ আক্রমণ করতে পারে এই বিশ্বাসে ম'সিয়ে দ গোর্গে তার বন্দুকটা নিয়েই নীচে নেমেছিলেন। আমার রিকলবারটাকে টেপিলের উপর রাখলাম, আমার হাতের বাইরে; তারপর বলে বললাম: “আপনাকে কিছুর কথা বলতে চাই ম'সিয়ে, দয়া করে শুনুন।” তিনি নড়লেনও না, একটা কথাও বললেন না। কাজেই আমিই বললাম: “আপনার আর্থিক অবস্থার খোজ-খবর নিতে আমাকে বেশ কয়েক মাস সময় নষ্ট করতে হয়েছে। আপনার জমিজমার প্রতিটি ফুট আপনি বন্ধক রেখেছেন। আপনি যে সব বিলে স্বাক্ষর করেছেন অর্চিয়ে তার টাকা শোধ করার সময় হয়ে যাবে, আর আপনি তা করতে পারবেন না। আপনার বাবার কাছ থেকেও কোন টাকা-পয়সা আপনি আশা করতে পারেন না। কারণ তার নিজের অবস্থাই এখন সঙ্গীন হয়ে উঠেছে। অতএব আপনার সবনাশ আসন্ন। আমি আপনাকে বচিতে এসেছি”... তিনি আমাকে এক দৃষ্টিতে দেখলেন, কিন্তু তখনও কোন কথাই বললেন না। তখন পকেট থেকে একতাল্লা ব্যাংকনোট বের করে তার সামনে রেখে বললাম: “এখানে ঘটি হাজির ফাঁ আছে ম'সিয়ে। মনয়র-অ-পুইৎস, তার জমি-জমা, এবং সব রকম দায় আমি কিনে নেব, আর বন্ধকগুলিও খানাস করব। টাকার যে অংকটা বললাম আপনার সম্পত্তির মূল্যের সেটা ঠিক সিদ্ধান্ত... দেখলাম তার চোখ দুটি চিক-চিক করছে। তিনি আমার শর্ত জানতে চাইলেন। আমি বললাম, “মাত্র একটি শর্ত—আপনি আমেরিকা চলে যান”... মিঃ ডেপুটি, দুই ঘণ্টা পরে আমরা আলোচনা করলাম। আমার প্রস্তাবে যে তিনি ঋদ্ধ হলেন তা নয়, কিন্তু তিনি আরও বেশী চাইলেন, লোভীর মত দরাদরি দেয় করলেন, যদিও মাদাম দ গোর্গের কথা একবারও উল্লেখ করলেন না, আর আমিও তার কথা তুললাম না। শেষ পর্যন্ত কথা বলতে বলতে ক্রান্ত হয়ে আমি একটা মীরামসা-সূত্র মেনে নিলাম এবং সেই মূহুর্তে সেখানেই সব ব্যবস্থা পাকা করে ফেলতে চাইলাম। আমাদের মধ্যে দুটো পত্র-বিনিময় হল: একটাতে আমার দেওয়া অর্থের বিনিময়ে তিনি মনয়র-অ-পুইৎস-কে আমার হাতে তুলে দিলেন; এবং অপর চিঠির শর্ত হল, যোদিন বিবাহ-বিচ্ছেদের ডিক্রি ঘোষিত হবে সেই দিনই সমপরিমাণ টাকা আমি তাকে আমেরিকায় পাঠিয়ে দেব। দ্বিতীয় চিঠিটাকে তিনি সঙ্গে সঙ্গে পকেটস্থ করলেন।...এতএব ব্যাপারটা মিটে গেল। আমার নিশ্চিত বিশ্বাস যে সেই মূহুর্তে তিনি সরল বিশ্বাসের সঙ্গেই ব্যাপারটা মেনে নিয়েছিলেন। তিনি আমার দিকে তাকালেন একজন শত্রু এবং প্রতিদ্বন্দ্বীরূপে নয়, তার একজন শত্রুভাষ্যরূপেই। এমন কি ছোট দরজার চাবিটা পর্যন্ত তিনি আমাকে দিলেন যাতে মাঠের দিককার ফটক খুলে আমি সোজা পথে বাড়ি কিনে যেতে পারি। দুর্ভাগ্যক্রমে আমার টুপি ও গ্রেট-কোটটা তুলে নেবার সময় যে বিকির দিকলটাতে তিনি স্বাক্ষর করেছিলেন সেটাকেও টেবিল থেকে তুলে নিতে আমি ভুলে গেলাম। মূহুর্তের মধ্যে ম্যাথিয়াস দ গোর্গের চোখের সামনে ভেসে উঠল আমার সেই

ভুলের কতটা সর্বিধা তিনি নিতে পারবেন তার ছবিটা ; সম্পত্তিও তারই থাকবে, স্বাধীনতাও তারই থাকবে... আবার টাকাটাও থেকে যাবে। বিদ্যুৎগতিতে তিনি কাগজটা তুলে নিলেন, বন্দুকের বাট দিয়ে আমার মাথায় আঘাত করলেন, বন্দুকটাকে মেজের উপর ছুঁড়ে ফেলে দিলেন, এবং দুই হাত দিয়ে আমার গলাটা টিপে ধরলেন। কিন্তু তার হিসাবে ভুল হয়েছিল। সে বৈতয়ন্ধ্রে আমিই ছিলাম অধিকতর শক্তিশালী পক্ষ ; অল্প কিছুক্ষণ ধনস্তাধনস্তির পরেই আমি তাকে কাবু করে ফেললাম। ঘরের কোণে একটা দাঁড় দেখতে পেয়ে সেটা দিয়েই তাকে বেঁধে ফেললাম।.....মিঃ ডেপুটি, আমার শত্রুপক্ষ যদি হঠাৎই সিদ্ধান্তটি নিয়ে থাকেন, তাহলে আমার সিদ্ধান্তও কিপ্রত্যয় কিছু কম ছিল না। যেহেতু কথাবার্তা সবই হয়ে গিয়েছিল, আর তিনিও সেটা মেনে নিয়েছিলেন, সেই মত কাজ করতে আমি তাকে বাধা করব, অন্ততঃ আমার নিজের স্বার্থের জন্য যতটা দরকার। কয়েক ধাপ উঠেই দোতলায় পৌঁছ গেলাম।.....মাদাম দ গোর্গে' সেখানেই আছেন এবং আমাদের সব কথাই শুনছেন সে বিষয়ে আমার কোন সন্দেহ ছিল না। পকেট-টকের সুইচ টিপে তিনটে শোবার ঘরেই খোঁজ করলাম। চতুর্থ শোবার ঘরটা তালাবদ্ধ ছিল। দরজায় টোকা দিলাম। কোন সাড়া পেলাম না। এই সব মুহূর্তে মানুষ কোন বাধাই মানে না। একটা ঘরে হাতুড়ি দেখেছিলাম। সেটা এনে দরজাটা ভেঙে ফেললাম।.....হ্যাঁ নাতালি মেঝেতে পড়ে আছে, অসার, অচৈতন্য। তাকে কোলে তুলে নিয়ে সিঁড়ি দিয়ে নেমে রান্নাঘরের ভিতর দিয়ে বেরিয়ে পড়লাম। বাইরে বরষা মেঝে পড়তেই বৃষ্টিতে পারলাম, আমার পায়ের ছাপ সহজেই অনুসরণ করা যাবে। কিন্তু তাতে কি যায়-আসে? ম্যাথিয়াস দ গোর্গে'কে রেহাই দেবার কি কোন কারণ ছিল? মোটেই না। তখন তার হাতে মগদ ঘাট হাঙ্গার হ্যাঁ, সেই সঙ্গে বিবাহ-বিচ্ছেদের দিনেই সমপরিমাণ অর্থ দেবার প্রতিশ্রুতি-পত্রখানিও তার পকেটে, তার বাড়ি ও ভূসপত্তির কথা না হয় ছেড়েই দিলাম, নাতালি দ গোর্গে'কে আমার কাছে রেখে সে অনাহারনেই চলে যাবে। সুতরাং ম্যাথিয়াস দ গোর্গে'র দিক থেকে আর কোনরকম আক্রমণের আশংকা আমার ছিল না। আমার বরং ভয় ছিল তার স্বাধীন ক্ষুব্ধ তিরস্কারের। সে যখন বৃষ্টিতে পারবে যে সে আমার হাতে বন্দি, তখন সে কি বলবে?.....মাদাম দ গোর্গে' যে আমাকে তিরস্কার করে নি তারও কারণ ছিল। ভালবাসা থেকেই ভালবাসার জন্ম হয়। সেই রাতে আমার বাড়িতে আবেগক্ষুব্ধ স্বরে সে আমাকে জানিয়েছিল তার মনের কথা। আমি যেমন তাকে ভালবাসতাম, তেমনই সেও আমাকে ভালবাসত। সেই থেকে আমাদের ভাগ্যেরও মিলন ঘটল। আজ সকাল পাঁচটার সময় সে ও আমি একসঙ্গে যাত্রা শুরু করলাম.....তখন মুহূর্তের জন্যও বৃষ্টি নি যে আমরাও আইনের অধীন।”

জেরোম ভিগনোলের কাহিনী শেষ হল। সব কথাই সে গ্রামোফোনের রীলের মত সরাসরি বলে গেল, যেন একটা মুখস্ত-করা গল্প বলল।

কিছুক্ষণ সব চুপ ; কেবল হতে'লস চুপি চুপি বলল :

“এ সবই সম্পূর্ণ সম্ভব ও খুবই যুক্তিপূর্ণ বলেই মনে হচ্ছে।”

“অনেক আপত্তি উঠতে পারে”, রেনিন বলল। “সেগুলো শোনা পর্যন্ত অপেক্ষা কর। সেগুলিও

গুরুতর। বিশেষ করে একটি....”

ডেপুটি-প্রোকিউরেটর সঙ্গে সঙ্গে সেটা জানাল :

“আর ম’সিয়ে দ গোগের কি হল ?”

“ম্যাথিয়াস দ গোগের ?” জেরোম প্রশ্ন করল।

“হ্যাঁ। বথেষ্ট আত্মরিকত্তার সঙ্গে যে সব ঘটনা আপনি বললেন সেগুলি মেনে নিতে আমি খুবই রাজি। দুর্ভাগ্যবশত একটা গুরুতর বিষয় আপনি একেবারেই ভুলে গেছেন : ম্যাথিয়াস গোগের কি হল ? আপনি তাকে এখানে, এই ঘরে বেঁধে রাখলেন, আর আজ সকালেই তিনি হাওয়া হয়ে গেলেন ?”

“অবশ্যই তাই মিঃ ডেপুটি : ম্যাথিয়াস দ গোগের শেষ পর্যন্ত লেন-দেনের সবকিছু মেনে নিলেন এবং চলে গেলেন।”

“কোন পথে ?”

“নিঃসন্দেহে যে পথটা তার পিতৃগৃহের দিকে চলে গেছে।”

“তার পায়ের ছাপ কোথায় গেল ? বরফ তো নিরপেক্ষ সাক্ষী। তার সঙ্গে সংঘর্ষের পরে আপনাকে আমরা দেখতে পাচ্ছি বরফের উপর দিয়ে চলে যাচ্ছেন। তাকে দেখতে পাচ্ছি না কেন ? তিনি এলেন, কিন্তু আবার চলেও গেলেন না তো কোথায় তিনি ? তার তো কোন চিহ্নই নেই।..... অথবা হয়তো.....”

ডেপুটি গলা নামিয়ে বলল :

“অথবা হয়তো, হ্যাঁ, ক্যুরোটর দিকে যাবার পথে এবং ক্যুরোটর চারধারে কিছু চিহ্ন আছে.... যে চিহ্নগুলিই প্রমাণ করে যে শেষ লড়াইটা সেখানেই হয়েছিল..... এবং তারপরে আর কিছু নেই..... কোন কিছুও না....”

জেরোম কাঁধ-ঝাঁকিয়ে বলল, “এ কথাগুলি তো আপনি আগেও বলেছেন মিঃ ডেপুটি ; এর অর্থ তো আমার বিরুদ্ধে খুনের অভিযোগ। এ বিষয়ে আমার কিছুই বলার নেই।”

“আপনার রিভলবারটা ক্যুরোর পনেরো গজের মধ্যেই কুড়িয়ে পাওয়া গেছে—এই ঘটনা সম্পর্কে আপনার কিছু বলার আছে ?”

“না।”

“অথবা রাতে শোনা তিনটে গুলির শব্দ এবং আপনার রিভলবারের তিনটে কাতর্জ খুঁজে না পাওয়ার মধ্যে যে বিচিত্র যোগাযোগ রয়েছে সে বিষয়ে ?”

“না মিঃ ডেপুটি, আপনি যেমন বলছেন ক্যুরোর ধারে সেরকম কোন সংঘর্ষ মোটেই হয় নি, কারণ ম’সিয়ে দ গোগেরকে বেঁধে আমি এই ঘরেই রেখে গিয়েছিলাম এবং রিভলবারটাও এখানেই ফেলে গিয়েছিলাম। অপর দিকে, গুলির শব্দ যদি কেউ শুনেন থাকে সে গুলি আমি করি নি।”

“সুতরাং যোগাযোগটা আকস্মিক ?”

“সেটা ব্যাখ্যা করার দায় পুর্লিশের। আমার একমাত্র কর্তব্য সত্য কথাটা বলা ; আমাকে আর কোন প্রশ্ন করার এস্তিয়ার আপনার নেই।”

“আর প্রাপ্ত ঘটনার সঙ্গে যদি প্রকৃত সত্যের বিরোধ ঘটে?”

“তাহলে বুঝতে হবে ঘটনাগুলিই ভুল, মিঃ ডেপুটি।”

“সেটা আপনি বুঝবেন। কিন্তু পুর্লিশ যতদিন ঘটনাবলীকে আপনার বিবৃতির সঙ্গে মেলাতে না পারবে ততদিন, বুঝতেই পারছেন, আপনাকে আটক রাখতে আমি বাধ্য।”

অত্যন্ত বিচলিত হয়ে জেরোম শূধাল, “আর মাদাম দ গোগে?”

ডেপুটি কোন জবাব দিল না। পুর্লিশ অফিসারের সঙ্গে কিছু কথা বলে একজন গোয়েন্দাকে ইসারায় ডেকে দুটো মোটর গাড়ির একটাকে আনতে বলল। তারপর নাতালির দিকে ঘুরে বলল :

“মাদাম, ম’সিয়ে ভিগনোলের সাফা আপনি শুনলেন। সেটা অক্ষরে অক্ষরে আপনার সাক্ষ্যের সঙ্গে মিলে যাচ্ছে। ম’সিয়ে ভিগনোল বলেছেন, তিনি যখন আপনাকে তুলে নিয়ে যান তখন আপনি মূর্ছা গিয়েছিলেন। আপনি কি সারাটা পথই মূর্ছিত হয়েছিলেন?”

মনে হল, জেরোমের সংযত আচরণ মাদাম দ গোগের আত্মবিশ্বাসকে বাড়িয়ে দিয়েছিল। সে উত্তর দিল, “পল্লী-ভরনে পেঁছানোর আগে আমার জ্ঞান ফেরে নি ম’সিয়ে।”

“এটা খুবই অশুভ। যে তিনটে গুলির শব্দ গ্রামের প্রায় সকলেই শুনতে পেল সেটা আপনি শুনতে পেলেন না?”

“আমি শুনতে পাই নি।”

“ক্যুরের ধারে যা ঘটল তাও কি দেখেন নি?”

“কিছুই ঘটে নি। ম’সিয়ে ভিগনোল সে কথা আপনাকে বলেছেন।”

“তাহলে আপনার স্বামীর কি হল?”

“আমি জানি না।”

“শুনুন মাদাম, আপনাকে আইনের ভারপ্রাপ্ত অফিসারদের সাহায্য করতে হবে। অন্তত আপনি যা জানেন সেটাই বলুন। আপনি কি বিশ্বাস করেন যে একটা দুর্ঘটনা ঘটেছে, হয়তো ম’সিয়ে দ গোগে তার বাবার সঙ্গে দেখা করতেই এসেছিলেন এবং মদের মাত্রাটা একটু বেশী হয়ে গিয়েছিল, তাই শরীরের ভারসাম্য ঠিক রাখতে না পেরে তিনি ক্যুরের মধ্যে পড়ে গিয়েছিলেন— কি বলেন?”

“আমার স্বামী যখন তার বাবার সঙ্গে দেখা করে এল তখন সে মোটেই নেশাগ্রস্ত ছিল না।”

“অথচ তার বাবা বলেছেন যে তিনি নেশা করেছিলেন। বাবা ও ছেলেতে মিলে দু’তিন বোতল মদ খেয়েছিলেন।”

“তার বাবা ঠিক কথা বলেন নি।”

ডেপুটি বিরক্ত গলায় বলল, “কিন্তু বরফ তো সত্যটাই বলে মাদাম। পায়ের ছাপগুলো এদিক-ওদিকে একে-বেকে এগিয়েছে।”

“আমার স্বামী তো এসেছিল সাত্বে আটটার সময়, বরফ পড়া শুরু হবার আগে।”

ডেপুটি টেবিলের উপর একটা ঘুরি মেজে বলল :

“কিন্তু মাদাম, আপনি কিন্তু আপনার সাক্ষ্যের বিরুদ্ধে চলে যাচ্ছেন।... ঐ বরফের চাবুরটা তো মিথ্যা বলে না। বেসব কথা প্রমাণ করা যায় না আপনি সেগুলো অস্বীকার করলে তা আমি মেনে নিতে পারি। কিন্তু বরফের উপরে ঐ পায়ের চিহ্নগুলো... বরফের উপর....”

ডেপুটি নিজেকে সংকত করে নিল।

মোটর-গাড়িটা এসে জানালার বাইরে দাঁড়াল। হঠাৎ কি স্থির করে ডেপুটি নাতালিকে বলল, “দেখুন মাদাম, কতৃপক্ষের হেপাজতে এখানে, এই জমিদার-বাড়িতেই আপনি দয়া করে থাকবেন...”

আর সাত্বেগটিকে ইসারায় বুকিয়ে দিল, জেরোম ভিগনালকে গাড়িতে তুলে দেওয়া হোক।

প্রেমিক-প্রেমিকার খেলা-ধর ভেঙে গেল। মিলন দূর অস্ত, পরস্পরের কাছ থেকে বিচ্ছিন্ন হয়ে অনেক দূর থেকে এখন তাদের লড়াইতে হবে অত্যন্ত গুরুত্বের অভিযোগের বিরুদ্ধে।

জেরোম এক পা এগিয়ে নাতালির কাছে গেল। দু’জনের মধ্যে দীর্ঘ বিচ্ছিন্ন দৃষ্টি-বিনিময় হল। তারপর নাতালির সম্মুখে মাথাটা নুইয়ে সশব্দ পড়িয়ে তার সালেগের পিছনে দরজার দিকে এগিয়ে গেল।

“হটে!” উঠকম্বরে কে যেন বলে উঠল। “সাত্বেগট, ঘরে দাঁড়ান! জেরোম ভিগনাল, আপনি যেখানে আছেন সেখানেই থাকুন।”

ফরখ ডেপুটি মাথাটা তুলল; উপস্থিত অন্য সকলেও। কণ্ঠস্বরটা এসেছিল সিঁড়ি-এর দিক থেকে। গোলাকার ছোট জানালাটা খোলাই ছিল; তার ভিতর দিয়ে বুকুকে রেনিন দুই হাত নেড়ে বলে উঠল :

“আমার বক্তব্যটা শোনা হোক!... আমার কিছু বলার আছে... বিশেষ করে আঁকা-বাকা পায়ের চিহ্নগুলো প্রসঙ্গে!... সব কিছু তো সেখানেই রয়েছে।—ম্যাথিয়াস মদ খান নি।...”

রেনিন ঘুরে দাঁড়াল; খোলা জানালা দিয়ে পা দুটো বাড়িয়ে দিল; হতেম্বে তাকে বাধা দিতে গেলে তাকে বলল :

“একদম নড়বেন না... কেউ আপনাকে বিরক্ত করবে না।”

হাত ছেড়ে দিয়ে সে ঘরের মধ্যে নেমে পড়ল।

ডেপুটি তো হতবাক :

“কিন্তু, সত্যি ম’সিয়ে, আপনি কে? আপনি কোথা থেকে এলেন?”

পোশাকের ধূলো ঝেড়ে রেনিন জবাব দিল :

“কমা করবেন মিঃ ডেপুটি। অন্য সকলের পথেই আমার আসা উচিত ছিল। কিন্তু আমার

খুব তাড়াতাড়ি ছিল। তাছাড়া সিলিং থেকে না নেমে আমি যদি দরজা দিয়ে ঢুকতাম তাহলে আমার কথাগুলি এতটা গুরুত্ব পেত না।”

হুন্ড ডেপুটি তার মূখোমুখি হয়ে বলল, “কে আপনি?”

“প্রিন্স রেনিন। আজ সকালে সার্জেন্ট যখন তদন্তের কাজে ব্যস্ত ছিলেন তখন আমি তার সঙ্গেই ছিলাম, তাই না সার্জেন্ট? তখন থেকেই আমি প্রকৃত তথ্যটি খুঁজে বেড়াচ্ছি। সেইজন্যই শুনানির সময় হাজির থাকতে একটা ছোট ঘরের এক কোণে আশ্রয় নিয়েছিলাম।”

“আপনি ওখানেই ছিলেন? আপনার এতদূর স্পর্ধা?”

“সত্য যখন বিপর হয় তখনই স্পর্ধা দেখাবার সময় আসে। আমি যদি ওখানে না থাকতাম তাহলে সেই ছোট্ট সূত্রটাই পেতাম না যেটা আমি খুঁজিছিলাম। আমি কোনমতেই জানতে পারতাম না যে ম্যাথিয়াস দ গোগেঁ মোটেই মাতাল ছিলেন না। আর সেটাই তো এই গোলকধাঁধার চাবি-কাঠি। যখনই সেটা জানতে পারলাম, তখনই সমস্যার সমাধান হয়ে গেল।”

তখন ডেপুটির অবস্থাটি বড়ই হাস্যকর। যেহেতু তদন্তকার্যের গোপনীয়তা রক্ষার জন্য প্রয়োজনীয় ব্যবস্থা গ্রহণে সে ব্যর্থ হয়েছে, এখন তার পক্ষে এই অনাধিকার প্রবেশকারীর বিরুদ্ধে কোন রকম ব্যবস্থা নেওয়াও শক্ত। সে খেঁকিয়ে উঠল:

“এ সব কথা থাক। আপনি কি চান?”

“কয়েক মিনিটের জন্য আপনার একটু নেকনজর।”

“উদ্দেশ্য?”

“মিসিয়ে ভিগনোল ও মাদাম দ গোগেঁ যে নির্দোষ সেটা প্রমাণ করা।”

একটা নাটকের চূড়ান্ত পরিণতি যখন তার উপরেই নিভর করে তখন কর্মক্ষেত্রে তার মূখের যে নির্বিচার দৃষ্টিটাই তার বৈশিষ্ট্য সেই শান্ত ভাবটাই এখন ফুটে উঠেছে তার মুখে। হতের্নের বৃক্কের মধ্যে যেন একটা শিহরণ খেলে গেল: সঙ্গে সঙ্গে তার মধ্যে জাগল পূর্ণ আত্মপ্রত্যয়।

গভীর আবেগে সে ভাবল, “ওরা বেঁচে গেল। আমি তাকে বলেছিলাম তরুণীটিকে বাঁচাতে; তিনি ওদের বাঁচিয়ে দিচ্ছেন কারাগার ও হত্যাশার হাত থেকে।”

জিরোম ও নাতালির মনেও নিশ্চয় সেই একই অপ্রত্যাশিত আশা জেগে উঠেছে। কারণ তারা পরস্পরের আরও কাছাকাছি হল, যেন আকাশ থেকে নেমে-আসা এই আগন্তুক পরস্পরের পানিপীড়নের অধিকারটি তাদের দান করেছে।

ডেপুটি দুই কধি ঝাঁকিয়ে বলল, “যথাসময়ে বাদীপক্ষের উকিলই তাদের নির্দোষতার প্রমাণের জন্য সব রকম ব্যবস্থা নেবেন। তখন আপনাকেও ডাকা হবে।”

“সেটা এখানে এবং এখনই প্রমাণিত হলেই ভাল হয়। বিশেষ গুরুত্বের পরিস্থিতির সৃষ্টি হতে পারে।”

“এখন আমার কাজের তাড়া আছে।”

“দু-তিন মিনিট সময় লাগবে।”

“এ রকম একটা ব্যাপার বোঝাতে মাত্র দু-তিন মিনিট!”

“তার বেশী নয়, আমি কথা দিচ্ছি।”

ডেপুটি বুঝল, এ লোকের হাত থেকে সহজে ছাড়া পাওয়া যাবে না। একটু ঠাট্টা করেই প্রশ্ন করল, “আপনি কি বলতে পারেন ঠিক এই মুহূর্তে ম’সিয়ে ম্যাথিয়াস দ গোর্গে কোথায় আছেন?”

নিজের ঘড়িটা কের করে রেনিন জবাব দিল:

“প্যারিসে, মিঃ ডেপুটি।”

“প্যারিসে? তাহলে বেঁচে আছেন?”

“বেঁচে তো আছেনই, আর বহাল তবিয়তেই আছেন।”

“শুনে খুশি হলাম। কিন্তু সেক্ষেত্রে ক্যুয়োর চারখারের পায়ের চিহ্ন, সেই রিভলবারের উপস্থিতি এবং তিনটে গলির শব্দর অর্থ কি?”

“বাজে ধাম্পা মাত্র।”

“সত্যি? এ ধাম্পা কার মাথা থেকে এল?”

“স্বয়ং ম্যাথিয়াস দ গোর্গের।”

“আশ্চর্য! কিন্তু তার উদ্দেশ্য?”

“নিজেকে মৃত বলে চালানো এবং সমস্ত ব্যাপারটাকে এমনভাবে সাজিয়ে তোলা যাতে ম’সিয়ে ভিগনোল একটা মৃত্যু ঘটানোর অর্থাৎ খুনের অভিযোগে অভিযুক্ত হন।”

“ফাঁদটা সুকৌশলে উদ্ভাবিত”, ডেপুটি সেটা মেনে নিল: তবু, ব্যঙ্গের স্বরে বলল, “আপনার কি মনে হয় ম’সিয়ে ভিগনোল?”

“এ রকম একটা ফাঁদের কথা আমার মাথায়ও বিচলিত দিয়েছিল মিঃ ডেপুটি”, জেরোম উত্তর দিল। এটা খুবই সম্ভব যে আমাদের সংবর্ষের পরে এক আমি চলে যাবার পরে ম্যাথিয়াস দ গোর্গে এমন একটা নতুন ফাঁদ আঁটলেন যার সাহায্যে তার বিদ্রোহটা সম্পূর্ণ চরিতার্থ হবে। তিনি তার স্ত্রীকে ভালবাসতেন আবার ঘৃণাও করতেন। আমার প্রতি তার ঘৃণা ছিল প্রচণ্ড। এটাই হত তার প্রতিহিংসাসাধন।”

“এভাবে প্রতিহিংসা চরিতার্থ করলে তো তাকে বড় বেশী মূল্য দিতে হত, কারণ আপনার কথা অনুসারে ম্যাথিয়াস দ গোর্গেরই তো আপনার কাছ থেকে অপর কিস্তির যাট হাজার ফ্রাঁ পাবার কথা।”

“মিঃ ডেপুটি, আর তিন মাসের মধ্যেই সে টাকাটা পেয়ে যেত। দ গোর্গে পরিবারের অর্থনৈতিক পরিস্থিতির খোজ-খবর করতে গিয়ে জের্নোঁছ যে পিতা-পুত্র দুজনে যুগ্মভাবে একটা জীবন-বীমার পলিসি করেছিলেন। ছেলের মৃত্যু হলে, অথবা মৃত বলে ঘোষিত হলে, জীবন-বীমার অর্থটা ছেলের পক্ষে বাবাই পেয়ে যেতেন।”

ডেপুটি হেসে বলল, “আপনি কি বলতে চান এই সব দাম্পত্যজির আপনার ভাষায়—ক্ষেত্রে বুদ্ধ ম’সিয়ে দ গোণে’ তার ছেলের দুশ্কর্মের সহচর হতে।?”

রেনিন চটপট জবাব দিল, “ঠিক তাই। বাবা ও ছেলে একই দুশ্কর্মের অংশীদার।”

“তাহলে তো ছেলেকে বাবার কাছেই পেয়ে যাবার কথা।”

“গতকাল রাতে হলে পেতেন।”

“তারপর সে কোথায় গেল?”

“পম্পিগনোতে ট্রেন ধরল।”

“সেটা তো অন্ত্রমান মাত্র।”

“না, একেবারে নিশ্চিত ঘটনা।”

“নীতিগতভাবে হতে পারে, কিন্তু তার যে কোন প্রমাণ নেই সেটা তো আপনিও স্বীকার করছেন।”

ডেপুটি উত্তরের জন্য অপেক্ষা করল না। তার ঠেংয়ের সীমা পার হয়ে গেছে। টুপিটা নিয়ে সে উঠে দাঁড়াল। সাক্ষাৎকারের ইতি টানতে বলল, “আর সবচাইতে বড় কথা—আপনি এতক্ষণ যা বললেন তার মধ্যে এমন কিছু মাত্র নেই যা দিয়ে ঐ নির্ভর সাক্ষী, এই করফের সাক্ষাকে খণ্ডন করা যায়। তার বাবার কাছে যেতে হলে ম্যাথিয়াস দ গোণে’কে এ বাড়ি থেকে তো চলে যেতেই হবে। সে কোন পথে গেছে?”

“বাজে কথা ছাড়ুন তো, ম’সিয়ে ডিগনোল তো বলেই দিয়েছেন: যে পথে এখান থেকে তার বাবার বাড়িতে যাওয়া যায়।”

“করফে তো কোন পায়ের চিহ্নই নেই।”

“হ্যাঁ, আছে।”

“কিন্তু সেগুঁলি তো এখানে আসার চিহ্ন, এখান থেকে চলে যাবার চিহ্ন নয়।”

“একই কথা।”

“কী?”

“অবশ্যই তাই। হাটার তো একাধিক ধরন থাকতে পারে। সব সময়ই মানুষ একই দিকে নাক-বরাবর এগিয়ে চলে না।”

“আবার অন্য কি ভাবে এগিয়ে চলা যায়?”

“পিছন দিকে হেঁটে মিঃ ডেপুটি।”

“সামান্য কয়েকটি কথা, খুব সরলভাবে বলা, কিন্তু তার ফলে ঘরে নেমে এল গভীর নিস্তব্ধতা। উপস্থিত সকলেই কথাগুলির অন্তর্নিহিত তাৎপর্যকে ধরতে পারল, এবং প্রকৃত ঘটনাবলীর সঙ্গে তাকে মিলিয়ে নিয়ে বিদ্যুৎ বলকের মত দুর্ভেদ্য সত্যকে দেখতে পেল, আর অকস্মাৎ সেটাকেই মনে হল অশাস্ত্রীয় সবচাইতে স্বাভাবিক ঘটনা।

এহণ্য—৩৪

রেনিন তখনও তার যুক্তি নিয়েই আছে। পিছনে পা ফেলে জানালার দিকে পিছু হটতে হটতে সে বলল :

“এই জানালাটার কাছে যেতে হলে আমি অবশ্য সোজা ওখানে হেঁটে যেতে পারি ; কিন্তু খুব সহজেই জানালার দিকে পিঠ রেখে সোঁদিকে হাটতে পারি। উভয় ক্ষেত্রেই আমি কিন্তু একই লক্ষ্যে পৌঁছে যাচ্ছি।”

সঙ্গে সঙ্গে সে জোর গলায় বলতে শুরু করল :

“সব কিছুর সারাংশ মাত্র এইটুকু। সাড়ে আটটার সময় বরফ পড়ার আগেই মঁসিয়ে দ গোর্গে’ বাবার বাড়ি থেকে নিজের বাড়িতে এলেন। মঁসিয়ে ভিগনোল এলেন বিশ মিনিট পরে। সেখানে দীর্ঘ আলোচনা ও একটি সংঘর্ষের ঘটনা ঘটল, তাতে সব মিলিয়ে সময় লাগল তিন ঘণ্টা। তাহলে মঁসিয়ে ভিগনোল মাদাম দ গোর্গে’কে তুলে নিয়ে পালিয়ে যাবার পরে ম্যাথিয়াস দ গোর্গে’ মুখে লালা ঝরিয়ে ত্রোখে উদ্ভাসিত হয়ে হঠাৎই অত্যন্ত ভয়ংকর এক প্রতিশোধ নেবার সুযোগ হাতে পেয়ে অত্যন্ত কৌশলের সঙ্গে সেই বরফপাতকেই শত্রুর বিরুদ্ধে ব্যবহার করার ফান্দিটা কাজে লাগাতে চাইল যার সাক্ষীর উপরেই আপনি এখন ভরসা করছেন। সুতরাং নিজের খুনের অথবা খুনের আদল সৃষ্টির এবং কুয়ের মধ্যে পড়ে যাবার একটা মতলব সে মনে মনে আঁটে এবং তার পক্ষে পিছন ফিরে এক পা এক পা করে হাটতে থাকে, আর একটা সাদা পাতার উপর অঁকা হচ্ছে যার প্রস্থানের পরিবর্তে প্রবেশের দাঁল।”

ডেপুটি এবার আর মুখ বাকাল না। এই পাগলাটে স্বভাবের অনাধিকার চচকারী মানুষটাকে যথেষ্ট মনোযোগ পাবার যোগ্য একটি ব্যক্তিত্ব বলেই মনে হল ; তাকে নিয়ে আর হাসি-ঠাট্টা করা চলে না। সে প্রশ্ন করল :

“তাহলে সে তার বাবার বাড়িতে ফিরে গেল কেমন করে?”

“খুব সহজে, একটা এক-ঘোড়ার ছোট গাড়িতে চেপে।”

“সেটার চালক কে ছিল?”

“স্বয়ং পিতৃদেব। আজ সকালেই সার্জেন্ট ও আমি গাড়িটাকে দেখেছি, বাবার সঙ্গে কথাও বলেছি ; তিনি তখন যথারীতি বাজারে যাচ্ছিলেন। ছেলেটিকে চাঁদোয়ার তলায় লুকিয়ে রাখা হয়েছিল। পল্লিপগনোত স্টেশন থেকে ট্রেন ধরে তিনি এতক্ষণে প্যারিস পৌঁছে গেছেন।

রেনিনের ব্যাখ্যায় পাঁচ মিনিটের বেশী সময় লাগল না। অথচ যে রহস্যটি নিয়ে তারা হাবুডুবু খাচ্ছিল তার মধ্যে একটা গিঁটও আর অবশিষ্ট রইল না। অন্ধকার অপসারিত হল। প্রকাশ পেল পূর্ণ সত্য।

মাদাম দ গোর্গে’ আনন্দে চোখের জল ফেললেন ; যে প্রতিভাবান লোকটি তার যাবু-দেঁডের ছোঁয়ায় ঘটনার স্রোতকে সম্পূর্ণ উল্টো দিকে প্রবাহিত করে দিল তাকে অনেক ধন্যবাদ জানাল জেরোম ভিগনোল।

রেনিন বলল, “মিঃ ডেপুটি, আমরা কি একসঙ্গে পায়ের চিহ্নগুলিকে পরীক্ষা করব? তাতে আপনি কিছু মনে করবেন কি? আজ সকালে সার্জেন্ট ও আমি একটা ভুল করেছি। কেবল খুন্দী বলে অভিযুক্ত মানুষটির পায়ের চিহ্নগুলির খোঁজই আমরা করেছি; ম্যাথিয়াস দ গোর্ণের পায়ের চিহ্নের খোঁজই করি নি। অথচ সমস্ত ব্যাপারটার আসল রহস্য তো সেখানেই ছিল।”

তারা বাগানে ঢুকে কুয়োর কাছে গেল। কিছুক্ষণের মধ্যেই বোঝা গেল যে অনেকগুলি পদ-চিহ্নই অদ্ভুত, দ্বিধাগ্রস্ত, গোড়ালি ও আঙুলের কাছে বেশী গভীর এবং কৌণিক বিচারে একটার থেকে আরেকটা ভিন্ন।

রেনিন বলল, “পায়ের চিহ্নের এই বিশৃঙ্খলাটা অপরিহার্যই ছিল; আসলে এটা দেখেই হঠাৎ আমার চোখ খুলে গিয়েছিল। মাদাম দ গোর্ণ যখনই বললেন যে তার স্বামী মোটেই মাতাল ছিল না, তখনই পায়ের চিহ্নের এই বেহালের কথাটা ভাবতে গিয়েই আসল সত্যটা আমার মাথায় ঢুকল।”

ডেপুটি এবার নিজের কাজকর্মের কথা ভেবে হেসে উঠে বলল, “নকল মৃতদেহটার খোঁজে গোয়েন্দা পাঠানো ছাড়া এ ব্যাপারে আর তো কিছু করার নেই।”

“কিন্তু অভিযোগটা কি মিঃ ডেপুটি?” রেনিন প্রশ্ন করল। “ম্যাথিয়াস দ গোর্ণ তো আইনের চোখে কোন অপরাধই করেন নি। একটা কুয়োর চারপাশে হেঁটে বেড়ানো, অশ্রের একটা রিভলবারের স্থান পরিবর্তন করা, তিনটে গুলি ছোঁড়া, অথবা বাবার গাড়ির দিকে পিছন ফিরে হেঁটে যাওয়া—এর কোনটাই তো ফৌজদারী অপরাধের মধ্যে পড়ে না। তার কাছে আমরা কি আশা করতে পারি? ছয় হাজার ফ্রাঁ? আমার তো ধারণা মঁসিয়ে ভিগ্নোন্স সেটা চান না এবং তার বিরুদ্ধে কোন নালিশ করার ইচ্ছাও তার নেই।”

“নিশ্চয়ই নেই,” জেরোম বলল।

“তাহলে? জীবিত পক্ষের দিক থেকে জীবন-বীমার ব্যাপারটা? কিন্তু বাবা যতক্ষণ সে টাকাটা দাবী না করছেন ততক্ষণ তো সেটাকে অন্যান্য আচরণ বলা যাবে না। আর সে কাজটি যদি তিনি করেন তাহলেই আমি সব চাইতে আশ্চর্য হব—আরে, এট তো বৃদ্ধ নিজেই এসে হাজির হয়েছেন! অচিরেই আপনারা সব জানতে পারবেন।”

বুড়ো দ গোর্ণ নানা রকম অঙ্গভঙ্গী করতে করতে হেঁটে আসছে। তার সহজ, সরল মুখের কুণ্ঠিত রেখাগুলিতেই ফুটে উঠেছে দুঃখ ও রাগ।

সে চেঁচিয়ে বলতে লাগল, “কোথায় আমার ছেলে? মনে হচ্ছে জানোয়ারটা তাকে খুন করেছে। আমার ম্যাথিয়াস মারা গেছে! ওং, কত বড় শয়তান সেই ভিগ্নোন্স!”

জেরোমকে লক্ষ্য করে সে ঘৃষি তুলল।

ডেপুটি তাকে সোজাসুজি জিজ্ঞাসা করল, “আপনার সঙ্গে একটা কথা আছে মঁসিয়ে গোর্ণ। একটা জীবন-বীমার ব্যাপারে আপনার প্রাপ্যটা দাবী করার ইচ্ছা কি আপনার আছে?”

“বটে, আপনারা কি মনে করেন?” বুড়ো বলল।

“জানাটা এই আপনার ছেলে মারা যায় নি। লোকে এ কথাও বলেছে যে তার এই সব ফন্দিবাজির আপনিও নাকি একজন অংশীদার ছিলেন এবং আপনার গাড়ির চালোয়ার তলায় লুকিয়ে নিয়ে আপনিই গাড়ি চালিয়ে তাকে স্টেশনে পৌঁছে দিয়েছেন।”

বড়ো মাটিতে থু-থু ফেলল, শপথ নেবার ভঙ্গীতে হাতটা বাড়াল, এক মুহূর্ত চুপচাপ পাড়িয়ে রইল, আর তারপরেই হঠাৎ সুকৌশলে তার মনের ও কৌশলের পরিবর্তন করে জোখ-মুখকে স্বাভাবিক অবস্থায় ফিরিয়ে এনে একটা আপোষের ভঙ্গীতে হো-হো করে হেসে উঠল :

“ওই বন্ধুমায়েল ম্যাথিয়াস ! তাহলে নিজেরই নিজেকে মৃত বলে চালাতে চেষ্টা করেছিল ? কত বড় রাস্কেল ! আর ভেবেছিল আমি জীবন-বীমার টাকটা তুলে নিয়ে তাকে পাঠিয়ে দেব ? যেন এমন একটা বাজে, নোংরা জালিয়াতি করা আমার পক্ষে সম্ভব ! তুমি আমাকে মোটেই চেন না হে ছোকরা !”

আর একটুও দেরি না করে একটা মজার গল্প শুনে থুশি হওয়া বড়োর মত আহ্লাদে ডগমগ হয়ে সে বিদায় নিল : অবশ্য ছেলের সায়ের প্রত্যেকটা ছাপের উপর নিজের কাটা-লাগানো বড় বড়ের ছাপ মারতে ভুল করল না।

